

舞臺

臺頂電火著仔 啟氣

漸暗 落下

係啊，就連燈光乜係按算過个

希望一切照等練習該樣仔

無相同个係濃妝

音樂出現

臺頂个人變到會停動个人公仔

希望一切照等練習該樣仔

無相同个係感情

臺頂个定位線

毋知係毋係有意

巧妙个框架了臺頂个人

希望一切照等練習該樣仔

無相同个係無意間跨越

側幕製造个濛沙煙緊來緊貴

飄散到歸隻舞臺

一切無麼可能照等練習該樣仔

相同个係該陣風

恬恬仔在幕脣

既經分毋清係等待

抑係園

臺上臺下有成時

甚至記毋得自家乜係戲

就恁樣 燈起燈落

臺後個人本本共樣兵擲直掣

臺前個人無定著係詐意仔鎮定